

張右史文集

開化圖書館
Kaihua Library

開化圖書館

Kaishwa library

開化圖書館

Kaishua library

開化圖書館

Kaichwa library

張右史文集卷第九

古詩

三月小園花已謝獨芍藥盛開

霽、春日晚寂、新陰繁千紅與萬紫盛極
一時闌西堂晚芍藥百萼乘露鮮紅粧諸美
人錦繡富春妍東風時過之舞態低昂翻折
贈懷溱洧感之為三歎

題焦山

焦山如伏龜萬石浸碧浪舉頭北顧海尾眉

金刹壯我開城東樓秀色日相向松杉數毛
髮人物見下止欲携浮丘公據殼恣潛漾仙
風如見引金闕或可訪

寄楊道亨

士師我自出燕逸凌清秋年少不飲酒昏燈
夜間囚君家外大父聽獄代其憂脩飢朝煮
飯驅蚊夜張幬獄成上府時稽顙呼張侯怒
心臨縲紲相盜以戈予無令市死厲請帝號

重幽

春日雜興四首

桃李用事辰鮮明奪雲綺繁華一朝去默
慙杞梓時徂鷹化鳩地遷橘為枳獨有羨門
生後天猶不死

昔我游京室交通五陵間主客各英妙袍馬
相追攀千金具飲啜百金顧吹彈纓弁羅廣
席當頭舞交竿鮮粧耀淶酒錦禰生風灑燈
燭暗夜艾士女紛相班歡娛易徂歌轉盼如
飛翰壘：負孤願離：術永歎山鳥窺茗飲

簷花笑蔬冷棄捐勿重陳事定須蓋棺

客從遠方來遺我彤華管吹之幻人心異境
生虛竅礪青嶂橫決春流滿馬蹄交狹
斜車轂錯平坦士女競芳辰禽魚蔭修竿作
微認涕笑凌沉見纖短停吹歎泯滅躑復
空館靈物信所真願恨知音罕

潭、故邑井猗、上宮蘭不食自清潔莫服
更幽閨志士耻窮極卷迹甘飢寒佳辰邈良
覲觸物懸悲端八途眇四遠經歲曠音翰豈

不慕裘馬說得非所安
蟬冕多怵迫繩樞甚
憂患枉尋竟何補
方柄誠獨難

出長安門

出郭心已清
青山忽相對
游人傍流水
俯仰秀色內
誰張蒼玉屏
中斷神斧快
清伊瀉其間
銀漢曳天派
參差樓觀出
香靄林麓遶
巖穀蒼遠響
水影弄空翠
同遊得君子
同崇興
教授
與烟霞令選
勝雖自茲
高杯已塵外

飯昭果寺

飄然乘興遊，
 殺酒笑俗具。
 僧居致野飯，
 草亦有趣山。
 僧慣迎客煮，
 茗新泉注岩。
 花得春遲晚，
 秀見紅素蕭。
 野市井人物，
 自來去溪光。
 送孤舟石色，
 照素樹題名。
 掃高壁歲月記，
 所遇書罷迹已陳。
 出門猶反顧。

渡伊水

雙崖若爭妍，
 秀色日相射。
 游人誇水東，
 揮榜渡清瀉。
 潺湲溪邊風，
 五月自瀟洒。
 中流望南北，
 河漢自天下。
 嗟予水鄉客，
 塵土困蹈藉。
 江

湖久懷歸無地稅征駕臨流動長想照影久
悲吒滄洲倘有歸功業付高謝

白公祠

斯人不可見千古懷清風猶想鸞鳳姿脩然
山水中空遺祠象儼過者為肅恭同時富貴
人氓滅知何窮公惜得所遇慨然屢輸忠一
傷巧舌刀氓默類瘖聾出處竟無禍卷舒詎
知蹤被獲空歎麟不制方為龍

上皇龕

升危躩石梯已覺毛骨異玄龕剖山腹六月
霜雪至佛臺磨青瑤紺滑不留水觀數天
人蒼玉刻冠珮老僧拂高崖上有昔人字國
都已蕭瑟山澤隱遺事西軒俯堂闕晝夜納
蒼翠卜築莫後時林中有餘地

石樓

清溪若奔虬八鎖束其頸犇騰去莫脫擺掣
恣驍猛嘈々戰風霆萬鼓助其勁毅驅石崖
動氣抱晴日冷我來怯初登注視久乃定悠

悠山川濶寸目羅萬景平生林野趣踈放謝
鞭警令期山月出一嘯清夜永

上方

足躡青玉磴躋攀不知勞回頭瞰木杪如覺
所歷高孤鳥去滅沒奔溪深怒號白日當西
梁青雲送微颺坐久神慮平微涼清骨毛但
驚塵垢容俯仰近赤霄古壁有遺字昔人嗟
寂寥南風不知暑古木常蕭

三龕

萬穴列岩壁三龕獨雄夸封山鑿其骨開像
儼且呀悲哉輕人功不計歲月賒像成竟何
補國破荒蓬麻悠：清伊水去：縈山斜晚
渚栖暝鷗夕波戰餘霞陵谷良未遷古今如
轉車應有千年鶴歸顧如咨嗟

晚飯寶應

晚風吹古栢落照明空山深行得寶刹崕嶺
相回環人遠草木邃境幽魚鳥闕道人掃華
堂延我具晚飧齋庖野菊美石井新泉寒既

飽陟上方浮香出林端平生麋鹿志強學伏
車轅塵懷造勝絕欲去猶三歎

廣化遇雨

浮雲蔽高峰臺殿延晚色風聲轉台豪雨脚
射山白東樓瞰虛明龍甲排松檜蕭森異人
境坐視動神魄撞鐘寺門掩晚霽尚殘滴相
携下山去塵靜馬無跡歸來解鞍歇新月如
破壁但恐桃花源回舟已青壁

寄子瞻舍人二首

皎々連城壁實惟天地珍足傷曾不售寶氣
終氤氳山川媚餘秀星斗攬竒氛終然不可
掩三浴被埃塵天王齋戒受嚴庭具九賓貯
之黃金臺藉以九龍茵事稱忘禮厚人誰駭
其新車輪走四方爭覩快一陳無瑕故易傷
歛暉志乃神

紛々名利場向背不知醜翟公書其門客態
自如舊勢去竟詆沮有餘馬升斗高賢少畦
畛小子多狀候退之呼事生房相肆琴叟事

竒出意表欲辨不及口神明勞忠孝福祿日
方厚防微無早計求福常恐後

贈楊念三道字

黃鶴樓前月清輝千里寒娟、過江北送子
別長安長安百萬家車馬無時閒中天聳觀
闕四海會衣冠憐甬薛蘿子豪華駭新觀蕭
蕭囊中句飢坐奏清彈漫郎久不愜逸思生
風翰寄毅武昌魚欲從儉父餐

曉赴秘書省有感

木城卷九
七
桃花欲開時長安春正好晴空倍闐闐朝日
散馳道雲收龍蛇榜爛金碧曉清多不容
塵虎士守洒掃家無當闐警衿袂免顛倒何
慙驅款段吾事不須早儒生近卜祝本自異
時好聖朝尚文雅詔使窺鴻寶平生一盃酒
江海送吾老靜喧非人事不得守懷抱跳梁
于造物乃取鎮鄒誦委懷隨所遭千葉纒一
笑

贈无咎以既見君子云胡不喜為韻

八首

平生懷想人握手良未易接君同舍歡此事
非此世十年淮海夢一笑相送地投分白首
期願言何有既

賢愚譬觀形美醜不自見醫肱待三折劍鐵
要百鍊磨君古青銅汰棟寄明辨一智出千
愚食芹敢忘獻

文風還正始磊落有諸君長者進後生亦使
我有聞譬如狸與虎偶使並稱文終然不可

及困我力空勤

文衰東京後特起得韓子支撐誹笑中久乃
化而靡籍湜既洒掃後生始歸市垂君極溺
手請效我一指

詩壇李杜後黃子擅竒勳平生執羈勒開府
與參軍舉詩東筆徒吟哦謾云々安知握竒
律一字有風雲

觸有羸其角進有跋其胡膏車秣吾馬白日
在備途雖乏無何杯頗多未見詩力學致事

功良田本深鋤

黃子少年時風流勝春柳
中年一鉢飯萬事
寒木朽室有僧寺
談房無妾持帚
此道人
事誰令余獨不

南山縛虎師肯顧世書字
揚眉哦楚喉鼎伴
倒俟喜詩報一蒼蠅
下到霹靂耳庸々老尋
常物外有奇偉

昨夜月中一睡殊有秋色
覺書所見
戲呈道孚

幽人息遙夜四聽市聲寂月華清可掬天色
紺欲滴候虫先知秋微響出陰壁精熒高露
濕斷續殘河白興懷我自出抱器方得擇感
時常有作陋巷奏金石余方問農圃朝市嗟
掃迹先寒戒裘褐歲暮養老客

張右史文集卷第九

張右史文集卷第十

古詩

鄙性嗜酒親友所知也紹聖丙子得
官明道寓居宛丘職閒無事終日杜
門人知其好飲也或饋之酒不問寒
暑日輒數酌飲雖不多而樂則有餘
因讀淵明飲酒詩竊愛其詞文而慕
其放達因次其韻嗟余與淵明神交
于千載之上豈敢論詩哉直好飲者

庶幾耳得詩一十九首缺一首

我欲常飲酒俗事若奪之飲酒不得醉何如
未飲時顛倒衆譏笑佳處正在茲念此雖杜
門濁醪日常持

出門禪應接俗士不多情對酒輒拜詞好禮
以求名嗟々名幾何曷足善甬生共處一泡
中倏忽風濤驚好飲信無補不飲亦何成

我久喜文詞思與鴻鵠飛老來覺非是念昔
正可悲買金鑄杜康百拜誓歸依晉陶與康

伯九原吾與歸涉世苦不諳多病身早衰惟
有尊中酒不與我心違

處樂非縱情處靜非避喧豪夸與枯槁彼各
據一偏悠然獨樂處在我不在山義皇迹已
遠三酌呼可還一尊每獨睡不待賓客言

所嗜人不得一物百非是猶有尊中酒道勝
無敢毀彼哉譏誇者讎口而信耳當憂十八
隔罰此繆語綺

自庇無一椽道人分半宅屋西羅古殯寒草

無人跡繫。長與少豈復待年百鴉飛朝樹
踈虫吊宵月白平生或不飲至此方知惜

曹叅漢賢相掾吏亦豪英四海付醇酒乃真
知物情止秦餘毒烈一洗百壺傾和氣薰醉
人金華乃不鳴卑。談治道陋矣洛陽生

種樹東簷下雨來發幽姿微陽動九地光彩
變新枝榮衰一以異枯槁異神奇消息天使
然人工徒爾為杜門沽酒飲高粱吾烏羈
里有好事者我往尊輒開我亦為之盡每往

亦開懷尚慮數見厭動作旬月乘今晨起苦
晚獨坐見烏棲冬溫雪作雨里巷苦多泥且
復閉門坐開卷理多諧誰知無言中獨性不
自迷得意復終日弭車不復回

弱歲慕無名中年頻探道世間無非苦病死
與生老相尋無窮已遞代作榮槁奇哉竺乾
書百遍愈讀好

寶酒

雖破淨律吾事在律表

昔嘗罹厄疾一卧輒踰時念無所歸咎乃誓

與酒辭那知偶不死持杯復飲茲既欲輒為
盡快哉復何疑神暢病自失此說信不欺藥
石傷天和此方吾笑之

與潘仲達二首

東風沛甘雨百物一時好江南桃李盡紅紫
到百草道傍負擔子寒食歸祭禱念我淮上
丘三年不躬掃

淮陽牡丹花盛不如京洛姚黃一枝開眾艷
氣如削亭、風塵裏獨立朝百華誰知臨老

眼得到美葵藿

莎雞

金風透殘伏玉樹先秋涼
啜草間蟲感時振衣裳
楚客萬里思夜吟怨藜床
勞終夕語共此蒼月光
孤輪曳獨壘折管韻哀傷
辛苦幽父兄無衣畏風霜

宦游

宦游吾漫爾本慕致身早
秋來憶山苦遙夜夢顛倒
鳴蟲待誰聽落葉煩我掃
誰復省勞

人吾生常草

次韻秦觀

琬琰非世珍昔以羊皮換嗟君復何來衆棄
乃所玩十年少游兄閉口受客難二毛才一
第俗子猶憤惋人間異巧拙善琢貴顏汗婢
娟守重閨倚市爭倩盼君胡寶滯貨屢辱行
衰悞譬猶仆卧塗更侑觥與然瑚璉質
磨琢爭璀璨遲君三年鳴更用驚我慢

阿凡

小兒名阿几眉目頗疎明日来書案傍學我
讀書聲男兒事業多何必學讀書自古奇男
子徃々羞為儒阿几笑謂爺薄雲無密兩者
爺飢寒姿兒豈合貴富翁家破篋中惟有書
與史教兒不讀書更欲作何事

宿虹縣驛

長隄隘舟車上下無暫歇煎熬古驛門聒
爭瑣屑東南淮浙富輸餽日填咽楚風習喧
卑吳舌動潮嗒平生耽靜意投閑劇含噦况

蘇道路勤強食慰飢渴年來嵩洛興久與泉
石結終當卜吾廬雲山對華髮

有感三首

一春苦多風桃李見無幾良遊時已失忽
三月尾中間亦何有徒自亂心耳所嗟遠所
娛坐費良日尋堂北千葉桃微本混榛枳居
然未之省一日燦相視零下不忍摘攀玩聊
自慰乃知物雖微未易即踈棄從今至零落
猶足伴尊哉仍煩竿錦草藉我花前醉

昨日鴉作巢今者鴉哺兒念知三月闌春物
行已稀晚風颯不收殘紅怨餘姿回風起輕
寒擁爐火重吹燈明夜齋靜日滋臨書遲病
齒不飲酒持盃勸妻兒豈無兒女心惆悵祧
李蹊彼昏安目前丈夫方有思

古今不殊途掩卷獨長想炎爐與死灰相去
如反掌彼昏誠不知一醉富莫量那知道傍
殍曾是獸盃盞一念短販兒豈暇議得喪但
憐反覆間觀者為惆悵聖賢蹈大方不苟目

前安寄身愛憎間得失真一餉

食菜

大雨困淋漓小雨傷霖霖
哀哉南嶽人日夜塗手足
入倉無一粒敢望祈報福
餘功歸老圃畦菜青滿目
長官却野饋性禽赦雞鷲
何須問清白存德芻一束
歸來輟食嘆每悔釜炊玉
青衫尚如此何況膏梁腹
願君少自寬謀遠須食肉

王子開朝散早年以疾病謝事還江

陰求詩為別三首

濟物昔所務捨耕還自非
駸々老將至忽々
意多違門有王夫子
柴車謝事歸令人三款
息羞澁向塵衣

田園何日到水國先秋寒
興來出飲酒興罷
歸杜門漫郎游已倦
老眼亂丹鉛扁舟肯載
我共看雪濤翻

避祿免危疾棄鉛得黃金
鬚眉藹如漆便覺
老難侵江湖足幽遁
市卒或可尋莫思芙蓉

子丹田亂君心

暮春奉女兄弟集宴堂

晨暉飛花柳流水澗池塘暮春漸暄燠華構
肅朝涼使君簿領暇亦復陳壺觴班坐豈異
人骨肉皆歡康遙山出遠翠遠水明斜陽歡
言不期醉淡泊味何長

窺園

吾老懶讀書得閒嘗窺園愛此千樹雪高低
不勝繁衝風掠之去顏已隨沙塵感之可奈

何我豈土木人畏病不飲酒已慚嵇阮真淡泊
味何長自娛親及賓獨遊還獨吟魚鳥與我
親悠窺園林趣媿此簪纓身

馬巨濟董後魏王墳作詩寄之

城北牛牌山千丘壑其麓事皆有司辨聖世
數厚族園林迫復土百役興甚速煩我別駕
公侵星次空谷郵亭舊客去二刷錢閒日睡
頻足聞鶯有佳興徙倚近喬木櫻笋味鼎來
管絃調漸熟期歸酌燒酒及此未炎燠

出伏後風雨頓涼有感三首

秋風振秋曉萬境一凄清
幽草蟲響息高葉露華凝
戢翼烏尚宿引吭雞屢鳴
奄留度華歲悵然難為情

三伏如湯釜熏煮理亦足
西風半夜雨窓戶一清肅
那能惜搖落共喜過炎燠
老人亦晨起稍進杯中綠

殘暑扇中盡新涼枕上歸
微雲起平遠空碧上朝曦

太寧庭栢

微風起清籟烈日交翠陰
蔭茲金仙居樓殿鬱沉
永日燕雀下有時鐘梵音
誰能悟斯道來此契無心

暇日步西園為詩得七篇

酴醾

欲知此園古請視酴醾
蒼孫枝已輪囷走蔓
龍蛇長春風一吹噓灼
發竒光仙姝不可挹
順風飲其香

秋圃

秋圃寂無有蕭條殘菊枝
老蛩依日叫暗蝶
傍人飛鎖澁門開少莎長
人到稀舊游渾記
得到處即如歸

菊叢

下根盤秋泥上葉披宿雨
唯餘黃金蕊秀色
日夜吐寧須薦九日
但惜歲行暮吾將屑落
英持芝蘭皋路

芙蓉

清霜厲巖殺松柏氣不振芙蓉乃微木脫艷
獨嬌春穠粹覺蘭疲分敷知菊貧欲攀無所
贈聊復揮吾巾

橘

竒林蘊貞粹健葉圓青鮮中有碧瑤實正味
百菓先貢包得堯姐頌德列騷篇李衡空庸
林徒列木奴千

斑竹

重瞳陟方時二妃蓋老人安肯泣路傍洒淚

留叢筠頗疑膏陂化點々留斑鱗慎勿脫水
去入世多埃塵

種蔬

貧舍無旨蓄種圃治寒蔬縱橫數席間灌溉
亦勤劬積雨有新甲時摘付中厨何勞樊遲
學當問漢陰夫

張右史文集卷第十

張右史文集卷第十一

古詩

漫浪翁劉北輿年過壯久不仕嗜學
著書自名漫浪所居之園林堂室皆
以是名之求予為詩因記之

堂有書萬卷園有竹千竿逍遙于其間漫浪
追昔賢乃祖首陽人疾世餓空山堂中秘書
公亦手犯鯨鱣後來得吾子門戶真有傳已
信懷道貴預知行世艱婆娑欲頭白不肯彈

其冠我頃未見之千里知肺肝不惜委珠玉
投我書數編我窮安放逐老去頗知田君獨
胡取之學問考淵源江鄉歲已晏幽獨抱悵
悵何當一杯酒與子相周旋

發政亭宿故鎮三首

我別竟陵時楚稻如碧絲秋風發齊安稻穗
如植旂流年去荏苒客路何逶迤弛擔中外
下永負山中期

乘月入秋山月午山蹊靜森々松竹林夾道

散踈影陰風留暗壑白露蒙朝嶺耿々村雞
鳴坐感單衣冷

征人不敢安蓐食待明發潤衝石上雲冷踏
松間月艱難付一笑歲月驚屢閱偃亞道傍
松篁冬應可極

江城

江城寒食近風雨作輕寒花落已可惜春衣
猶怯單畏人成不出已老自無權沽酒金明
道回頭十五年

獨游東園

清曉步東園獨游
悵無侶菰蒲綠已深
鵝戲春塘雨取酒就花傾
隔林邀客語歸來春興
闌睡起日停午

感事三首

投老益無趣誤為世塵櫻
飄然欲脫去疲弱
安能耕始謀苦不臧
妄欲事功名中路兩不
可徬徨始嗟驚回轍
愴已晚悠悠事逾征
萬物各有求我生安得寧

自古衣食勤物生無時闕春耕望時雨厚生
常苦乾舉頭呼天工天遠安得聞幸此中夜
雨蕭蕭洒中田天人兩異情相值良獨難水
旱與豐年由來皆偶然愚夫苦多怨智士即
而安我歌寧獨此萬事一嗟歎

次韻曾存之官舍種竹

曾郎風塵外不似宰官身吏舍數竿竹鑿池
水粼粼此君不可疎亦復未易親虛心澹相
授頗似南郭鄰我知王子猷正是君輩人

塞獵

十月北風燕草黃
 燕人馬飽弓力強
 虎皮裁鞍鵬羽箭
 射殺陰山雙白狼
 青氊帳高雪不濕
 擊鼓傳觴打令急
 戎王半醉解貂裘
 昭君獨抱琵琶泣

同毅夫賀無斁教授

吾聞寬胸民盜若春竹
 笋異時用武吏搏擊
 縱鷹隼洋洋劉太守
貢父治曹不用刑而盜衰
 豈弟發素蘊
 凶年盜乃滅
 見謂君子敏
 先生衍詩書循

吏副憂軫庶幾從風靡少緩求濕緊君家丁
眉伯學行我標準捧書見華髮應為一笑聽
喜晴有感呈晁郎

山城淫雨霽窓戶含餘清老人午睡足杖策
遶荒庭長夏吾廬秀清陰交衆榮茫茫榛莽
中萱草揚其英植杖視天壤悠然感浮生澆
泊且無嘆人事亦難恒一旦舍此去觸物不
無情何為久戚遇酒但知傾

春雪二首

春雪驕不行凍雨作飛雪夜深歸無燭已覺
馬蹄滑那知事未已通夕注不歇堂寒曉附
火簷滴更清絕前者城東遊桃李架已發陰
陽不可料寒氣晚猶洩青：高坡麥舊事日
可閱當春望時雨雪盛或為孽生民常苦勤
不敢愛膏血如何待一飽常苦神物奪茫：
元精理未易論本末解裘換斗酒莫畏衣百
結

天寒城南寺門外無馬迹東風雪疾消春泥

深一尺豈無老款段畏蹶不敢策還歸見兒
女怕冷不下席楊雄玄未就雙鬢颯已白雖
云客載酒此意終岑寂功成則有命生事亦
人力胡為不自勤守此欲何獲田桑既有裕
醪醴亦餘溢嗟哉好事客從古百無一

秋感二首

秋日無遠暉秋草無美姿殘蛩弔白日寒鳥
悲空枝時節一如此余出悵安歸強歌不成
音還坐空涕垂感動百慮遊觸心遂紛披棄

捐勿復道日暮眠吾帷

秋山多遠靄日暮尤百態鳴風落高樹清澗
瀉寒瀨鳴蛩默誰憐瘖死不償罪蛩啼獨不
已有愬未逢解天時激汝曹寧自知進退吹
噓成踴躍窮狗忌徹祭庭空月宵桂園冷露
晨沛嗟哉心難忘俯事還感槩

閩子瞻嶺外歸贈邠老

今晨風日何佳哉南極老人度嶺來此翁身
如白玉樹已過千百大火聚望天留之付真

主世間毒烈計已誤柯山潘子應鼓舞與子
異時從杖屨

次韻蘇公武昌西山

靈均不醉人楚醅秋蘭蘼蕪堂下栽九江仙
人棄家去吳市不知身姓梅東坡先生笑二
子一丘便欲藏崔嵬脫遺簪笏玩杖屨招揖
魚鳥營地臺西山寂寥舊風月百年石尊埋
古埃洗尊致酒招浪士荒墳空餘黃土堆但
傳言語古味在一勺玄酒藏山壘鄧公歎息

為摩撫重刻文字蒼崖隈五年見盡江上客
兩屐踏遍空山苔謝公富貴知不免醉眼來
為蒼生開長虹一吐誰得揜六翮故在何曾
摧橫翔相與鴻願雁寶劍再合張與雷山猿
澗鳥汝勿怨天遣兩公聊一來豈如屈賈終
不遇詩賦長遣後人哀

宿譙東逆旅夜聞歌白公琵琶行道
人歡者

元和才子悲流落一聽琵琶謂天樂青衫衰

淚作長歌誰取篇章和宮角譙東夜久行人
稀卧聞此歌者誰歌侶舊時人不見舉頭
欲聽淚雙垂西堂青鎖春無事幾聽此歌還
幾醉東風桃李作黃埃寶篋塵昏譜問字一
般一聽一情傷未老應知幾斷腸展轉曲終
燈燼落荒城寒月夜飛霜

木芙蓉菊花盛開

空山岑寂何所有晚菊芙蓉相對幽伴我悠
悠過閨日憐渠灼灼媚窮秋清香但欲持供

佛醉舞何妨
挿滿頭
此生萍梗難前料
知復明年相見否

西風

西風吹屋絡
緯鳴星河
錯落已三更
軍城傳警萬家靜
山堂含風遠
夜清雲收
纖月映山盡
天轉北斗
向江傾
舍南高林
栖鶴鴨危枝
高巢雛夜驚

觀梅

北風號夜天
雨霜屋東
梅花晨洗粧
老人旦

起萬境寂一笑向我吹微香風月精神珠玉
骨冰雪簪珥瓊瑤瑤天姝星艷下人世靈真
高秀無比方老人年々被香惱學道無力時
清狂吟詩覓句苦無味剪枝挿頭羞髻蒼眼
窺手採心愛惜倘可取餌充朝糧不如痛飲
卧其下醉魂為蝶棲其房

魯直惠洮河綠石研冰壺次韻

洮河之石利劍矛磨刀日解十二牛千年虜
地因沙礫一日見賓來中州黃子文章妙天

下獨有八馬森幢旒平生筆墨萬金真奇煤
利翰盈篋收誰持此研參案几風瀾近手寒
生秋抱持投我棄不惜副以清詩帛加璧明
窓試墨吐秀潤端溪歛州無此色野人齋房
無玩好慙愧衣冠陳裸國晁侯碧海為文辭
盤礴萬頃澄清漪新篇未如徹扎箭勁筆更
似劃沙雖知君自足報蒼壁愧我空賦瓊瑰
詩

福昌秋日效張文昌二首

秋野無人秋日白
禾黍登場風索索
豆田黃時霜已多
桑虫食葉留空柯
小蝶翩
晚花紫野鶉啄粟
驚人起落陽西原
君莫行秋光處
人情

黃葉蕭蕭
秋水清田中日
午村雞鳴場邊
九月禾黍熟空原
雉飛飽新穀
棗籬重鳴村路
曲道邊古墳生
野菊人稀田濶
草茫茫洛陽秋
穀能斷腸

贈張嘉甫

浮江大江里三千歸掃先隴清淮孺杜門古
寺厭岑寂夢寐清穎如家山汝陰昔謬稱刺
史自愧何術甦惘瘵平生為吏甘賤拙敢作
蠹賊傷民田未憂懷輒擊之去乃欲築室買
一廛葺瓢三畝易辨耳寄教父老不汝干長
淮清冬龍蜃蟄放舟出郭天宇寬浮梁橫前
嬾可纜金塔却立儼莫攀髯張幼好此奇服
白壁刻珮鳴玦環抱持微學不忍棄清明竹
林遭剗刑三年江湖友魑魅一日寶府觀瑜

璫漸消都吝心自喜
追計存沒涕亦潛
尋山把酒豈易得
客路霰雪衣裘單
塵埃可洗憂可豁
待君一勺玻璃泉

題江州琵琶亭

危亭古榜名琵琶
尚有楓連荻花
嗚呼司馬則已矣
行人往來皆嘆嗟
司馬風流映千古
當日琵琶傳樂府
江山寂寞三百年
潯陽風月知誰主
我今單舸犯江潭
往來略已遍東南
可憐千里傷春眼
不待琵琶淚滿衫

余官竟陵時李文舉嘗以事至郡同
遊西禪刹陸子泉烹茶酌酒甚歡也
今歲余移官齊安文舉自武昌渡江
過我與之飲酒西禪舊事慨然

此生放蕩隨群動一覺竟陵瀟洒夢江山
我此中來却愁風月無人共李侯年少能思
我辭朝兩槩歸潮送一不辭酒薄與君飲坐覺
西山夕烟重西禪舊遊已陳迹壁間陸子塵
生供石欄古井誰知味只有松風自成弄愛

君為吏無俗韻快誦離騷飲仍痛不嫌寂寞
過我來古縣年豐少爭訟

乞錢穆父給事丈新賜龍團

闕侯貢璧琢蒼玉中有掉尾寒潭龍驚山作
春山不覺走馬獻入明光宮瑤池侍臣最先
賜惠山乳泉新破封可得作詩酬孟簡不須
載酒過楊雄

將至都下

竟陵南望稻新熟夢澤悠悠傷遠目春風嶺

上望齊安大吳城邊攬秋菊那知歲暮東州
客大山蒼寒曉霜白雲收霧卷日月明却上
天衢瞻玉色弊裘疲馬古道長九旬刺史歸
空囊歸去故人應笑我滿衫清淚說潯陽

題韓幹馬圖

頭如翔鸞月頰光背如安輿鳧臆方心知不
載田舍郎猶帶開元天子紅袍香韓幹寫時
國無事綠樹陰低春晝長兩髯執轡儼在傍
如瞻馳道黃屋張北風揚塵燕賊狂甌中萬

馬歸范陽天子乘驟蜀山路滿川首宿為誰
芳

困沙阻風

大江春風浪如屋客舟迎風困沙宿連檣接
施古岬傍岬頭無人春草綠船頭日出炊烟
起買魚携菜來就市漁人水惡不出門蕭條
野市無雞豚堤邊紙錢灰若雨沽酒賽神巫
降語南人艇子不避風橫江五兩翩去

寄曼叔求酒

孫端明

青衫哉丞頑不羞三十持板拜督郵歸來無
物與消愁典衣沽酒寒無裘囊空酒貴不可
得縮手愁坐凝雙眸秋風破屋冷颼々夜長
不眠吟掉頭豈無隣家酒可偷簡書縛汝如
窮囚淮陽冬醪滑勝油唇焦不飲已經秋汲
公直毅聞九州小子昔也從公遊憫憐憔悴
賜顏色時止餘酌濡其喉軍厨嵯峨糟作丘
萬甕沸響玉蟻浮轍魚所願斗水游不敢多
取煩陽侯玉笋未至涎已流想見激灑盈金

甌歌成絨書還自咻一醉猶須越境謀

大風與楊念三飲次作此

北風黃雲卷飛沙吹暗長安百萬家
溫爐對酒慎勿出且看酒面生浮花
為我吟詩說雲夢荆江洞庭方洶湧
吟成飲君三百盃莫學

雪中驢上報酸哀

張右史文集卷第十一

本館卷二

三

開	化	圖	書	館	K	a	i	n	u	a
Kainua library										

張右史文集卷第十二

古詩

有感三首

城本自貳師謀騎士拔劍猶封侯董生明
經守正直白首區區相侯國參差世事足嗟
嘆韻叶平我笑群兒較目前可能董子之榮辱
乃在封侯得失間

群兒鞭笞學官府翁媿癡兒傍笑海翁出坐
曹鞭復呵賢子群兒能幾何兒曹相鞭以為

戲翁怒鞭人血流地守為戲劇誰後先我笑
謂翁兒更賢

南風霏：麥花落豆田漠：初垂角山邊夜
半一犁雨田父高歌待收穫雨多蕭：蚕簇
寒蠶婦低眉憂繭單人生多求復多怨天工
供雨良獨難

題大蘇淨居寺

平生愛山如好德未嘗一飯忘泉石大蘇山
下松栢林路盡重門照金碧思公得道神所

相指示崑幽駐并錫天台妙教源欲啟來此
一酌曹溪滴兩公道場守龍象兵火暫晦終
暉赫撞鐘伐鼓食千指皆二大士之餘力縈
紆石磴造山頂上有玉人方燕寂北軒三伏
飛冰雪一日掠盡淮山色東遊塵土我實倦
道遇化城聊暫息青鞵布襪舊家風此身終
效名山後

客過

歲窮北風卷平楚張子畏寒深閉戶扣門過

我者為誰束帶出見亦良苦
俛首謂客子勿
瞋我心善煩勿多語
天寒酒賤冒不飲安用
造謁勤如許

謁客

入門投刺吏翻
我非欲見禮
別然異哉賓
主兩無語
客起疾走如避
燃我已不恭
愧昔賢
忍使塗炭
朝衣冠
人生暫聚
鴻集川
春風吹飛
何後先

迎客

城門抱關皆老兵，問客來早天未明。我笑老翁勿嘲訕，我愧古人百千萬。道傍燁燁翁所見，寒熱郡國欺鄉縣。人之所畏敢不畏，嗟我此翁安得慢。

局中晝睡

鳥啼花開千萬思，春色醉人成午睡。燒香掃地一室間，藜牀布枕平生事。君知章華久寂寞，楚夢無人憚青兕。東風轉野作晴雷，蕩蕩冥冥楚夢無人憚。青兕東風轉野作晴雷，蕩蕩冥冥楚夢無人憚。青兕東風轉野作晴雷，蕩蕩冥冥楚夢無人憚。青兕東風轉野作晴雷，蕩蕩冥冥楚夢無人憚。山川作紅翠，白日下照七澤寬。孤城樓觀失

餘寒頗恠故山頻入夢年來真厭楚人冷

園花盛開疴病不能觀作詩諭之

東風著花披靡花風吹人欲醉老翁逢
花如啜醪強自挹酌終無味鬪紅鬪綠態千
萬長笑花工夸幻事若知空色無異觀世上
何曾有桃李

魯直見和前詩再用前韻

濟物非僕功名愧無心倚市安能美汲泉
不厭深老人夙有尚筌鉢好叢林安能紅塵

裹徒使老駸

小孤山

一嶸枝水孤劍立古廟開簾雙臉紅水邊古
木老龍蟄山下水色磨青銅我來扁舟望有
禱萬頃春水清溶：明神報我意加厚嗟我
薦獻愧不豐重遊知復在何日俯仰天地身
飄蓬

初伏大雨呈无咎

初伏炎、坐湯釜長安行人汗沾土誰傾江

海作清涼玄雲駕風橫白雨音陀真人甘露
手能使渴之厭膏乳且欲當風展尊眠敢辭
避漏移味苦清貧學士卧陶齋壁上墨君澹
無語翰林但解嘲首宿彭宣不得窺歌舞聯
詩得句笑出省策馬涉泥歸閉戶沐頭餘槓
定何嫌窓外石榴堪薦俎

謝黃師是惠碧甃枕一云師是既碧甃枕短篇價值

鞏人作枕堅且青故人贈我消炎蒸持之
室涼風生腦寒髮冷泥丸驚夢入瑤都 玉

城仙翁支頤飯未成鶴鳴月高夜三更報秋
不勞桐葉敲我老耽書睡苦輕遠牀唯有書
縱橫不如華堂伴玉屏寶鈿歌斜雲鬢傾

到陳午憇小舍有任王二君子惠牘

丹二槃皆絕品也是日風雨大寒明

日作此詩呈希古

初來淮陽春已晚下里數楹聊寢飯此邦花
時人若狂我初稅駕遊獨懶任王二君真解
事來致兩槃紅紫爛天姝國艷照鄩屋持供

石山卷三
五
佛像安敢慢江湖逢春豈無花格頑色賤皆
可棟誓觀中州燕趙態一洗千里窮荒眼風
波歷盡還故郡此願誰知輒先滿那知中夕
忽凜烈卧擁牛衣眠失旦名園泥淖安可入
坐惜殘芳風雨散東隣夫子亦嗜酒卧聽午
雞方起盥晴明猶及一寓目我老尚能揮大
醜

次韻答天啟

黃鐘無殺登瓦釜蔡子青衫在塵土逼人爽

氣百步寒知子胸中有風雨三年河東走胡
馬絕口魚鮫便酪乳歸來萬卷付一讀不學
兒曹用心苦周瑜陸遜久寂寞千年北客嘲
吳語莫徒彩筆雲錦張要是寶劍蛟龍舞天
兵百萬老西北快馬如飛不出戶眼者六纛
出麒麟走取單于置刀俎

麀猿圖

陰崑萬古無纖塵木石翠潤無冬春時哉兩
猿挂復蹲其子抱子為屈伸下有遊貍意甚

駟雄雌嬉遊循水濱
沐猴遇麀懈欲奔據高
自得俯而捫懸之門
堂閱疑真妙哉易生筆
有神以此成名以終身

謝錢穆父惠高麗扇

三韓使者文章公
東夷守臣親掃宮
清嚴不受橐中獻
萬里扇六月長安汗如

洗豈意落我懷
袖裏中州剪就霜雪
紈千年淳風古箕子

聞蛩有感

遙夜飛螢動秋思獨卧空山驚晚歲可堪六
月已聞蛩日暮啣響庭際關河多風氣蕭
索碧樹先秋早採落鳴機夜織常怨寒白紵
吳衫苦輕薄年促織誰最悲堂上美人愁
翠眉清砧搗練對殘月玉筋啼紅裁遠衣唐
風詩人勸其主行邁苦遲嗟歲暮山城聽汝
已三年三年白髮多于故飄秋夢到江湖
我欲東歸繪碧鱸安能為爾將雙淚歲風
前沾客裾

赴亳州教官次韻和中書錢舍人及
亳州守晁美叔見贈

久知踈慵難應接勉強一官親訟牒羈窮正
似鳩無巢擺去不如魚有鬣從來書史鈍蹊
徑更歎詩騷窮事業幾思狐白易絮纏羞禡
舊服求新袂又憐夸毗竟何得把玩區區一
蚊睫久知趨向合肌寒正藉文章謾嚙嚼紫
微丈人椽作筆誰得羸師傳謀知擒敢慢
武侯縱有甯前知魯侯歛荒蕪滿編求指摘

望以餘光分晷晷乃蒙稱屈力褒揚不意冀
壤藏諸篋獲如丘陵飽則可良御不悅猶非
獵平生遇賞有君子處世雖鈍吾知捷清閒
得食學官祿願以詩書填吻頰牙懸喜校鄴
侯籤藤織新成沈郎笈晁公毅名三十載餘
事筆縱傳法帖紫芝眉宇望不遠屈指數日
無旬浹黃衫健步書見賜紫誥除官守何躡
久懷薄技待後乘宣管盈囊紙未歛坐幸前
計空恍悵袖裏從今雙手壓醉歸應被官長

木奴卷三
八
曠來飽徒勞方翔獵

暑毒不可過又每為賓客見擾午寢
不安奉懷邠老之無事也

桃李成塵鶯未老梧桐未落蛩已多杜門高
卧作閒計挾策讀書如懶何頻遭襍襪驚午
夢正坐熱行官不呵柯山大隱羲皇上清風
一榻無經過

和立之消梅

木奴度淮輒為枳后皇畝之理應甬青梅十

里江南春何時相送車馬塵我衰病齒不能
酸微香觸鼻古生泉想見曹瞞老狡獪指林
駐馬三軍前

送歐陽經赴蒲圻

異時堂飲洋川酒幾喚扁舟度樊口西山泉
石多故人送子南行一回首蒲圻小縣聊讀
書當使里閭無呻吁結束歸來接臺省不應
厭食武昌魚

蘇叔黨口占止許下見訪叔黨有詩

戲贈以此奉荅

三年齊安有江山可當中原故人面北來塵埃
送故人眼前却作江山見君似江山定不
踈能出吾言世亦無蘇郎下筆妙無敵呂郎
與談驚未識鳳雛驥子未宜輕囊空各有千
金璧贈君錦繡與瓊瑤報我琅玕

溪

毛潢汗未相棄歲暮與君甘緼袍

不寐

荒庭雨多秋草青秋菘相語秋夜深草虫暗

飛羽格磔星河影高天
淡白騷人多懷夜不
眠老松微吟風颯然
山川浩蕩何日還晚空
漫々白露寒

對蓮花戲寄晁應之

平地碧玉秋波瑩綠雲
擁扇青瑤柄水宮仙
女鬪新粧輕步凌波
踏明鏡彩橋下有雙
鴛戲曾託鴛鴦問深
意半開微歛竟無言
裛露微々洒秋淚晁
郎神仙好風格須遣
仙娥伴仙客人間萬
事苦參差吹盡清香
不來摘

上元日早起贈同遊者

夜來人散殘更月
曉陌空存舊車轍
彩燈城市已春風
寒木人家猶臘雪
強起相送酒未醒
殘膏宿火尚熒々
歸來更拂障泥錦
重勒黃昏信馬行

贈李德載

男兒當讀五車書
輟業應須蓋棺日
人生事業要強學
譬彼欲耕須待隄
李郎落々竒丈夫
美玉應須作圭璧
請將便腹包五車
汲々

講摩如故疾

蒙恩守東魯不意流落之餘聖朝昇
之藩鎮感而成詩復用李文舉韻

我師四十心不動寵辱悠々付春夢聖朝湔
洗諸老成顧我衰晚名亦共魯人詩書久寂
寞間壁不歸書府送道衰洙泗忽千載後來
為政誰輕重平時擇守要有補豈但坐使民
供貢

有游夏未肯無言受愚弄天
王有意蘇疲俗何術與紆轡筆痛應須問道

東家翁必也斯民使無訟

游武昌

一葉橫江凌浩渺李君見我迎門笑鵝黃初
熟醅旋罨書室焚香地新掃淋漓歌笑不知
夜竹榻枕藉眠諸少老人被煖覺獨晚驚起
東南日如燒四明陳子定愛客生火寒廳邀
我到盤殺香潔具俄頃鱸斫寒魚初出沼仲
謀霸氣久寂寞元子亭基尚危峭荆榛荒梗
上石磴人物清江開野廟莫投明府快一飲

主意殷勤賓屢醺星河破碎歸中夜明日清
淮理歸棹王家園館靜人眼挂壁於菟疑欲
齧殺雞為黍辦倉卒者画烹茶每醉飽還家
閉門空寂歷勝境目前皆了：茲游可再誰
汝輩老懶似不能輕矯西山得霜瘦如削蕭
寺崢嶸出粉籜幸余腰髀猶足使與子凌寒
恣游眺

春日

堂：春日躍出山郊原草木皆清新千紅萬

紫各有態正自酬酢勞精神短籬誰家小桃
李雖復幽陋亦可人但知痛飲莫辭病數年
幽憂難具陳

劉壯輿是堂詩并序

子劉子構堂于官舍名之曰是而求予為
詩予復之曰夫物生之所必有而其為物彼
是相次而不能定夫一者天下之是非也雖
聖人出無如之何昔楚人有莊周者多言而
善辨患夫彼是之無窮而物論之不齊也而

託之于天籟其言曰吹萬不同而使其自己
也周之為此言自以為至矣而周固自未離
夫萬之一也而曷足以為是非之定哉雖然
如周者亦略稅駕矣劉子乃構堂揭榜而獨
以是是非自任吾將見子物弊氣殫而言
語之戰未已也嘗試為子歌堂中之樂而息
子之勞庶幾隱几而嗒然者乎歌曰
讀堂中之書兮以致子之眠飲堂中之酒兮
以休子之言是非雜然于子之耳兮付庭中

之嘆蚓與夫木上之鳴蟬庶幾養生而保和
兮窮子之年

秋曉

老人不睡秋夜長五更鼓角鳴東堂悲菴牀
下欲無語黃葉瓦清新有霜雁聲相應江南
北斗杓欲下天中央老人山尊有美酒岬巾
先酌一杯嘗

東方

東方未明更五鼓星河寥：寒雁度錯：鳴

鐸誰家車陌上驅牛輟霜去北風吹面足踏
冰村南早飯天未明年、輸稅洛陽城慎莫
後期官有刑

寒蟲

寒螿振翼殺騷々夜深月影在蓬蒿老人雖
眠睫不交愁窻人寂燈無膏荒城鳴金睥睨
高北斗下挹西江濤悲茄三奏老雞號晨光
出山開沉寥

秋雨小酌贈賈七

出門秋雨泥漫漶，嗟我后土何時乾。官曹事
休歸舍卧破屋，淅淅西風寒弱妻。傾榼勸我
起，稚子笑語爭杯盤。我生樂事但如此，為爾
一醉愁腸寬。仕途翩跹，聞巧捷華裾鮮。穀相
追攀老來百事覺，羞耻懶伴兒女塗鉛丹。賈
郎豪華獨異我，粉腮玉指雙鷗鬟。清眸侑酒
醉百醖，肯咀貧甕寒。齏酸堂前菊花日，以好
落砌槭。梧桐殘，當謀痛飲待九日。豪氣一
壑龍山桓。

今日

今日寒氣至晨坐進一杯一杯未能已三酌
竟空罍我有胃臆事欲言誰使陪往中夜
歎鬱結無由開賴此樽中君破悶有來時
時從之游報我以歡吟古國多寒者老妻治
炮煨誰云一日富此價萬瓊瑰

將至官坡登一土岡望復州作

茫茫夢澤連禾黍斷壠橫岡散平楚登高試
望竟陵城孤烟落日知何處舊遊如夢去莫

挽客愁丹：還如故他年若問鴻軒人堂下
蕃薇應解語

送子野大夫罷充倅歸汶上

愛君託覽老不衰日：早起先鳴雞白頭未
蒙國士知佐郡秩滿寂寞歸我辭魑魅得一
麾逢君話舊相嗟咨幾年東壁無光輝不知
武庫實在茲上書薦君非我職臨分一醉當
無辭

晨起苦寒

夜霜漫屋風折竹我乃與君在空谷平生一
衲度嚴寒塊守深爐體生粟大潘借馬貸監
河小潘無事仰屋歌妻兒號寒劇雁鵝詩書
滿腹將如何

舟次安州孝感縣偶感寒疾卧病舟
中復大風不可解舟晚方離

船頭風鼓鳴萬鼓扁舟繫纜沙邊樹船中病
客晝閉篷睡起空江日亭午雞犬蕭條數家
縣市聲已變淮南語長年三老喚不醒一葉

波間去如舞

和大雪折木

季秋木葉未全落西風卷雲飛雪作奔騰傾
倒來不停頃刻山川失寥廓白頭老翁仰天
歎一生未見可吁愕但悲無食飢凍死何暇
更議陰陽錯樵車不來椽數盡仰徹屋茅烹
菟藿坐愁窮臘安可度律管未改初冬朔我
居堂前有大榆百年老幹龍鱗剝夜殺疑是
神物伐參天大枝脆如斲披簷擲瓦事未測

起坐明燈徹其幄命垂久遭窮鬼笑當慮壑
覆崩其角鹿山長官當此時高樓大飲縱歡
譔兩邦相隣無百里誰謂同時異憂樂尚能
怨嗟念窮苦喜君于物心不薄百里飢寒仰
長官勉克此心救民瘼

張右史文集卷第十二

開化圖書館
kashwa library

木史卷十三

文

張右史文集卷第十三

古詩

美哉

美哉洋：清潁尾西通天邑無千里舸舫大
編起危檣淮潁耕田歲收米茫々陂澤帶平
原古時溝澗還相連昔人屯田戍兵處今人
阡陌連丘墓今年雨足種麥多北風吹葉鳴
空柯高城回望鬱嵯峨豐年閭井聞笙歌河
邊古堤多老柳去馬來船一回首百年去住

不由人歲暮天寒聊飲酒

納涼

靡々春事退寂々夏日長日西騎馬歸卧此
北戶涼官事幸休逸甘為白頭郎朝出暮還
家悠々愧路傍所欣藥物靈頗覺疾病康幸
免三已愠敢希五饋漿難堪七有餘不過三
已嘗呼兒且糲食貧固士之常

白樂天有渭上雨中獨樂十餘首做
淵明余寓宛丘居多暇日時屢秋雨

傲白之作得三章

寒極則有暑晦久則有明開闢迄今茲此理
信可憑炎者易滅魏者必傾聖智無奈
何況此愚昏氓設羅以獵獸切骨陷其膺重
勢以鎮物懸絕壑其
與育力有不

獲呈物情千萬變可盡得經營
士

葛帶而蘭纓無求復無憂容貌甚和平

秋氣日姿清悠然有佳興美酒時一

傾

木史卷三
十一
罷官卧窮巷值此雲物孤連延經旬雨城市
欲行舟柱礎變物塘瓦溝成暴流蕭然殘暑
退寒事戒衣裘老人朝睡足起坐梳白頭呼
童飭晨冷薪温爨婦愁洗我朱提杯不復具
肴羞一觴已經醉萬事良悠

故人遺我酒氣味芳以清置之屋壁間興至
時一傾銀杯度一合三釂已徹觥既免戒沉
湎且無憂病醒愁阮愧令德劉石無遐齡荒
狂有何樂徒以酒自名吾幸免因此庶幾盡

平生

謫官黃州至南頓驛同李從聖叔姪
小飲

共飯何草草客來從遠道傾壺得殘酒聊以
開懷抱年將半百兩鬢華謫官憔悴來天涯
神理可憑吾道在不應長遣路人嗟

權勢

權勢世所重桓溫後孟嘉桓公自人雄為下
未足嗟頻怪蔡中郎為董受玼瑕因之以取

死曾不念漢家士固感知已尚安知其他搜
牢則可誅好豈自其佳

臨文

一病廢百嗜好文心未忘南憲納虛明羅列
陳縑緗茫昧考巢燧典章斷虞唐清研進屈
景雋永旌蘇張少狂不自料遇事形文章誤
逢作者嘆因復力披攘蹉跎生白髮始抽石
室藏粗見漢家事濡毫時否臧文詞比工祝
不殊公卿行何用疲心精舍本棄耕桑讀賦

意凌雲律令尊張湯榮華繫遇合才技無短
長頗師老氏術抱璞和其光無營以卒歲刻
意翰墨場

自淮陰被命守宣城復過楚雨中過
道孚曰同誦楚詞為書此以足楚詞
秋庭新過雨佳菊獨秀先含芳良未展風氣
已清妍金鳳汝妾婢紅紫徒相鮮老人對節
物昏；祇欲眠與子讀楚詞疊；忽盡編嬾
嬾兮秋風慄慄在遠行蟋蟀鳴西堂淹留了

無成

寓陳雜詩十首

傳舍不可久來裝投新居新居亦苟完佳木
頗扶踈洒掃尋丈地琴書遣朝晡風雲中夜
變大雨如決渠落點若強箭穿我老屋塗中
夜起明燭移牀護吾離傳聞北城隅老弱堤
上廬官吏捺畚鍤紛々役千夫燈漏或一決
城闔變江湖吾衰也久矣豈復憚為魚
昔記古甲子商滅而周興如何兩此日乃為

霖雨徵陰陽久乖張此事頗有憑豈天悔牧
野洗此漂杵腥舊雨水未乾洞房苔欲青新
雨雖霖，欺我牆善崩虛堂就夕眠永夜楸
桐穀蕭然秋氣至豈覺巾屨輕憐我老病者
三伏困薰蒸得涼且飽飯何暇念秋成

朝雨如霧絲咫尺不相辨俄然晨光漏紺碧
出天面天工易明晦頃刻俄屢變今朝事大
定雲物卷組練客有北來說蠟生被教縣穀
穗無一粒遺稌如立箭旱田成大澤投種哀

石史卷十三
五
莫見官人情不知猶喜輸租辦興懷及鰥寡
猶愧吾飽飯

唐有元相國寶殺顏平原平原腹有丹尸解
神已仙顏公死已矣人見如生前致令遺其
像委曲與人言相國死倉卒穢穢塞其咽家
門隨手破但怪椒斛千顏公黃塵外風節猶
凜然元子墮九幽遺臭萬世傳

清夜何晏々客眠亦復佳鄰鐘喚我覺咽々
聞城茄披衣行中庭星漢已橫斜缺月挂西

南皎々流清華莎雞振其羽蟋蟀旁悲嗟悠
哉歲已秋日月如奔車

開門無客來永日不冠屨客至我老懶投刺
輒復去端成兩相忘日得百無慮故人在旁
郡書信不能屢興哀東坡公將捨邦山墓不
能往一慟名義真有負可能金玉骨亦遂黃
壤腐但恐已神仙裂石終飛去

疲馬斃枯草閉門苔蘚深闕坊居人少秋日
踈槐陰境寂心亦闕蕭然散巾襟靜中有深

趣因見至人心谷神古不死茲理良可尋無
令兒輩覺一撫無絃琴

念昔為吏日朝夕羨人間解印出公府翛然
若歸山衡茆三畝居無客門常闔早眠而起
晏永日或不冠故人遠寄酒為致一醉歡我
亦領其意呼兒具杯盤長閨貧亦好安用朱
其轄我生本蓬華久已傲飢寒

我不知暑退但覺衣汗乾頗怪庭中天湛然
青已寬有物叫草根啾々自相喧問知己新

秋大火流金天九土變寒暑正南事亦繁靜
觀付一笑吾事寧相關但無筋力健悠然佳
意還喧々憎隣里砧杵亂人眼

秦子死南海旅骨還故墟辛勤一生事空得
數編書琅々巧言語玉佩聯瓊琚知者能幾
人憎者頗有餘書生事業薄生世苦勤劬持
以待後世何足潤槁枯興懷及昔者使我涕
漣如道路阻且長悲哉遠撫孤

寄李端叔二首

束髮聞至道榮辱久齊觀中年嬰世故已復
傲憂患閨居雖荒寂几杖頗清晏悠悠閨晷
景草々貧寢飯狂言無為發濁酒醉自勸與
君通家舊通者頗屢見相望豈云遠教舍隔
異縣吾人師佛祖妙旨得忍菜歛藏避世俗
未免遂侮訕坐令鬢垂雪猶把從事版尺書
每見警妙語珠在貫復君進明德同遂丘壑
願

陳墟自古皇疆野實楚縣沃野接神畿荒溝

漕淮甸民風靜而陋原隰平以遠我來遊
歲禾黍秋色淺荒居因蒼蚓風雨老藜
門謝車馬隱几親筆硯馬跡卷泥深
庖烟簷日晏深居窺老易妙理殊自玩
因亨方足夸安勞遠願乖離感歲月老
色各滿面友道古所敦尺書莫辭倦

秋日曠古城

秋日曠古城西風振塵埃出門何所之
壞道連蒿萊飛鳴雞犬稀破屋枯壕隈
老圃理蔬

畦晚甲瘦未開輸人暮出城栖鷄一
回悵然心不怡歸坐勸一杯

題吳熙老風雲圖

兩脚橫空萬牛駑烈風吹山
欲仆草披木拔何足道大江
翻瀾失洲渚路旁失轡者誰
子道阻且長泥沒履鞭驢挽
車亦何急日眩心搖行不顧
我生飄蓬慣羈旅碩爾艱難
逢亦屢衲被蒙頭不下堂且
與身謀安隱處

二十三日晨欲飲求酒無所得戲作

張君所欲一壺酒百計經營卒無有夜來客
至餅已空晨起欲飲還戒口努力忍窮甘寂
淡人間萬事如反手百壺一醉有底難造物
譔戲君須受

淮陰大寧山主崇岳逮與余諸父遊
今年七十餘耳目聰明筋力強壯奉
戒精苦禪誦不輟聞余自黃歸欣然
空所居而相延日與之語或寂然相
對終日使人之意消也因賦此詩

我來之初季春月門外李花如積雪杜門燕
坐度長夏庭樹秋風忽騷屑西馳老火不復
憶急雨淒風爭應節紫貂暴日知有待畫扇
依牆將怨別蒸雲積潦漸收拾惡木煩蕪稍
摧折不知此事誰主張躍馬奔車忽回轍嗟
予行世踰坎埴僅免豺狼膏齒舌三年閉戶
餓江吳脫粟無餘衣百結近者皇天忽悔禍
雨施雲行咸溥雪復宮還職通海內爭脫囚
冠鳴佩玦老天龍鍾衆人後一舸循江信沿

涉風波歷盡見故鄉親友相逢驚白髮道人
已老見我喜靜掃高堂客憇歌佛龕日近得
香火僧飯時容供粗糲讀書小技漫勤苦安
禪大觀無分別久便閒放輕祿利已脫憂危
傲繚紕天時進退古不忒人事興衰今屢閱
酒濃村店足斟酌魚美長淮恣哺啜從今萬
事付天工致安民 看夢契

見黃仲達感秋意

秋風吹衡茆寂歷如荒村獨立無與語悲虫

鳴草根老木經疾風枝葉僅得存
踈蔭不滿地白日耿當軒
北城有黃仲晦子清不渾時
能出秀句寶鐵雕璵璠
念將舍我去為吏國西原
荒涼古中年晝夜輪蹄奔
青衫給吏役懷慙未易論
強顏說應接有抱誰有言
從容未去間無厭走黃昏

黃每相訪
常以昏夜

服仙靈脾酒

冷氣侵吾髀趨拜劇苦艱
仁哉神農氏遺藥驅恫瘼
持錢取之市場得如茆
先藥枝與芳

葉盡取無可刪貯之白練囊漬以壺酒寬七日以供飲跛曳皆翩躚呼見謹蓋藏用此九轉丹平生誤信書安坐得老遭方書豈盡信柳子固無言事固有然者豈容盡欺謾疾走非吾願且復輔羸殘

孫志康許為南釀前日已聞糴米欣然作詩以問之

平生一尊酒風月不可無
謫官將十年一醉未易圖
市豈無旗亭官亦有酒鑪
薄若與釀

酸一滴不可沽英、孫夫子臭味真吾徒自
云得異藥乃出粳稻腴歲久精粹去、者乃
其粗醞釀纔浹日芳甘已盈壺儉人喻其力
若火經郊蘆此語真野陋殆出負販夫前日
聞吉語糴米已在途每恨乏陳糲價直如買
珠憐君久客囊傾倒無復餘假器走僕僮供
我一笑娛欲為漉巾潛請學滌器如作詩以
訊之何日陳尊孟

送孫志康赴高陽

三觴草：豈足飲聊具數刻留君歡年來故
友半零落每念及此傷肺肝淮陽窮栖幸見
子胄中鬱結為少寬奈何舍我去不顧薄宦
謀食何艱難陳郊窮秋苦雨霽積雨未受短
日乾念君匹馬走坡坂蒙犯霜雪勤征鞍吾
遭坎壈皆自取之燕何得南其轅雖然男子
豈常爾且復養此凌雲翰

秋日喜楊介吉老寄藥

閩坊遠市穀終日掩衡門惟有風中葉蕭騷

終日聞午枕不成寐起坐無與言喜聞故人
書珍藥幸見存其方受仙聖其效未易論豈
惟蠲沉痾庶可輔本根珍重復珍重厥價萬
璵璠永年未可冀庶保無夭昏

歲暮即事寄子由先生

歲暮淮陽客貧閒兩有餘朝昏面壁坐風雪
閉門居老去深依佛年衰更嗜書未能忘素
業聊用慰窮途下里皆貧屋開門即古墟雞
豚來近舍春汲賴隣夫雪壑移來竹霜萎自

種蔬烏皮蒙燕几
褐帽裹僧顱
肉似聞韶客
齋如持律徒
女寒愁粉黛
男窘補衣裾
已病藥三暴
辭貧飯一盂
長瓶卧墻角
短褐倒天吳
宵寐衾鋪鐵
晨炊米數珠
大撓隨杜脰
葛製煖寒軀
時命今如此
功名已矣乎
談愁風射馬
拙待兔
送株久慕真
成樂深諳夢
境虛誰憐
九頓首
正有一長吁
瞻望身空老
蒼茫歲欲除
何當聞妙誨
黥剛待完膚

贈翟公巽

我昔出守來丹陽江流五月如探湯史君之
居在山腹繞舍樹石何青蒼千年藥根蟠井
底靈液浸灌通寒漿人言枸杞精變狗夜吠
往：闔空廊金山蕩瀟浪花裏一舸遙去隨
漁郎最竒岩齋人迹少乳水時滴白石牀翠
龜波施負日色白騎掀舞占風祥我泊金山
凡十日窮探力取無遺忘南風吹我渡江去
已厭淮南塵土黃二十年間多少事身如疲
馬起復僵淮南窮栖衆人後朝食不充藜藿

腸公來衰顏得一笑側聽高論驚尋常窮閭
過我坐至暮滿懷珠玉無粃糠乃知世間有
清議未可盡以己意量精金白璧天所寶理
無破碎委道旁半年耳冷不聞此過公矍然
神激昂論文自顧已老醜從事理絕隨飛翔
斯文有屬不但爾因公作詩我涕滂

用歐陽文忠韻雪詩

密雪當殘臘衝風到華門洒窓驚紙濕入竹
覺散繁天濶飄無界城高積有痕氣和歸麥

石 史 卷 三
十四
壠水味到茶軒廣陌無游騎空郵有滯轅炎
爐聊自煖濁酒僅能溫野迥征鞍設邊寒塞
甲屯振竒歌歷：回袖舞躑：客至須駝褐
相逢賴酒樽晴明占草木春意到閨園

贈李德載二首

我家外翁天下士欲以文章付孫子愛君非
角已食牛屬書筆下無停字願君飽讀大父
書學到莫憂名不似重教我輩見風流更以
餘波變鄉里

長翁波濤萬頃波少翁巉秀千尋麓黃郎蕭
蕭日下鶴陳子峭，霜中竹秦文情慘舒桃
李晁論崢嶸走金玉六公文字滿人間君欲
高飛附鴻鵠

四月望日自孝悌坊遷冠蓋孫氏第
青蕪滿古城白日照大澤街荒雞犬鬧市遠
喧闐寂中有騰，者淮陽四年客坐偷太倉
粟穩睡而飽食平生願陳力衰老困逼迫何
曾一可意但有百無益偷安淺夫志苟且志

石史卷三
十五
士惜窮通有天理誓不安苟得朱陽方肇序
春去無轍迹悵此復幾時撫事三歎息

趙德麟有詩言過萬壽縣得玉芝乃
以供一醉之味按道書凡芝皆神仙
上藥無乃輕用之乎

王孫憔悴食無肉天遣枯腸出雙玉荒園夜
飲供一醉仙物無乃遭輕辱王孫高名滿天
下剗鱸龍蛟刀几熟眼高不為小物變采掇
僅同葵蕪屬憐君十年清穎客年少未甘窺

藥錄丹逢靈藥慎勿輕不死問君安可獨

東園

堂中宴坐不安出堂外青春去如失小園十
步綠如雲一時桃李事已畢猶殘醱醖數朶
在未覺塵沙汗玉質金沙格俗終可憐臙白
嬌紅如欲滴老夫睡起聽山禽竹間林外紛
嘲嘖荀生漸慳子猷願梅熟未邀朱老喫翻
書只作隨睡具傾壺屢進忘憂物今春風雨
稍依節上田麥穗過數尺但知洗眼看世塗

莫厭終年守蓬華

送翟公巽赴中書舍人

韓筋柳骨世不聞
翟公筆力回千鈞
十年毅名滿四海
淮陽邂逅雙朱輪
老翁空疎亦何有
察公于我意甚真
高談亶亶雲漢上一掃
鬪茸如灰塵
夜光明月不計數
坐使衰弊生精神
恨無金玉相
報答還家三嘆嗟
我貧青燈論文夜未分
曉聞門外送使君
問君舍此去安往
紫皇詔歸侍
玉宸鉞鋌發
斲斷犀象

好為明主裁絲綸論思獻納乃其職况公之
意常在民追還三代舊風采主以事實致此
文聖君賢相有美意筆端與物為陽春

波稜乃自坡陵國來蓋西域也甚能
解麩毒余頗嗜之因考本草為作此

篇

誰從西域移佳蔬遍植中原葵莧俱清霜嚴
雪凍不死寒氣愈盛方芳數貫金銳箭脫秋
竹剪羅巧帶飄華裾中含金氣抱勁利穿滌

石地卷三
炎熱清煩紆老人食貧貪得，大釜日煮和
甘腴飯炊香白煮餅滑一飽盡鉢無羸餘空
厨蕭條烟火冷可但食客歌無魚男兒五鼎
食固美當念就鑊還愁吁

北隣賣餅兒每五鼓未旦即遠街呼
賣雖大寒烈風不廢而時略不少差
也因為作詩且有所警示和結

城頭月落霜如雪樓頭五更報欲絕捧盤出
戶歌一聲市樓東西人未行北風吹衣射我

餅不憂衣單憂餅冷業無高卑志當堅男兒
有求安得閒

寄道公

知公鼻祖冬之日謫向江山冷無匹粹然真
氣滿輕軀自言位次神仙秩同輩幾人始謝
老惟公躔、居第一鸞腰不舞自欲飛神履
瞥波元不濕永巷春深簾幕幽西都有人名
莫愁我老摧頹垂簪約空能時作夢中游

書初涼夜至將曉靈壽寺作

秋房燈火清人語久已寂城遠不聞更警柝
鳴未息橫參已入地斗柄當天直乃知三更
中市墨已寂歷我時守書几磨墨傾硯滴反
覆小學書存目如芒刺試尋隣房僧鼻鼾皆
負壁體勞徑就枕冷夢分南北覺來寺鐘鳴
僧禮像前席須臾聞曉唄木魚如叩石舉頭
視東牖朝日已淡白反身起披衣神爽健筋
力亟來酒甕邊側聽敲唧

早稻

早稻如倒戈十穗八九折晚稻不及秀日炙
根土烈踏車激湖水車衆湖欲竭得泉如沸
湯旱土濕未徹老農祝天工扣額眼垂血游
雲不作雨風至輒散滅昊天未悔禍牲玉無
徒設誰能縛妖魃勅起龍撥刺

鳴蜩

鳴蜩嘒高風連夜且復靜草虫何為者落日
鳴復逞陰陽且戰爭微物何所競化工孰其
機開闔惟所命朔雁有行意肅：如待令江

河有舊渚寧畏風霜勁

古意效東野二首

與君雖異坊秋涼各平分已遣月入牖更教
風掃門照君幌中寢拂君堂上塵綢繆似衣
帶終日遠君身

扇不風自涼身不蘭自香深居不出門幽獨
更清揚為鵲栖君樹為燕巢君堂不食亦可
飽况乃餐輝光

霜後步西園

濃霜午暄妍短日淡無色回風振中園搖落
穀策：草根飢鳥啄飛舞時嘖：野荒無遺
粒卒歲將何食鮮：西墻下幽草弄寒碧四
時不吾欺聊假汝頃刻

局中負暄讀書三首

輝：短景留寒光重裘不煖貧負陽老人背
溫一體康我欲持之獻天王天王九重居明
光玉几翠被女侍傍人不我知謂我狂此心
耿：不敢忘歲云暮矣天雨霜且復持此飲

一觴

輝、短景留寒光瓦簷霜濕梧桐黃老蜚不
知春已去白晝嘖、空啼牆歲云老矣羈客
傷塊獨守此天一方牀頭書史談虞唐我言
匪老聽者狂

輝、短景不能春照我貧屋亦復仁虞淵道
遠寒雲屯羲和愁思隕厥輪君不見志士悴
憔悴賤貧塊處漏屋含悲辛重堂溫室顛醉
昏悠、蒼天彼何人

歲後三日

春風攪空如怒濤春日寂
在蓬蒿衡門鳥雀舞不下
西園桃李氣已嬌天邊碧
雲空漠漠門外荒草還迢
迢人生幾何春復夏可但
白首隨漁樵

正月八日坐局沽酒

為問里闈何蹉躓上元楚
俗習張燈新春此時最佳
處獨我坐曹如定價霜林
夢澤蒼茫野烟草江邊寂
寞城小飲未能來啜藜隼
眸

終日冷如冰

化園書館
Cathua library

張右史文集卷第十三

張右史文集卷第十四

古詩

沈丘道中

霜霧沈遠星芳林語春鳥客眸帶餘睡馬力
健清曉凝烟披草際初日動林表心隨和風
快興與飛雲香芬菲悵已晚夏陰生柔棗慷
慨一據鞍此懷殊未了

和楊念三自武昌至京師

三年別我客荊州一日長安從我遊愛君詩

有春草句使我神遊黃鶴樓江山望甬欲穿
眼見我驚嗟秋髮短扁舟可辨吾欲東年來
五湖魂夢中

贈蔡彥規

我不見蔡子杜門十日餘今日叩我門滿手
携瓊琚鏗鏘寫我前雜以貝與珠我愕不知
報低頭驚且吁讀畢致于懷餘光溢衿裾坐
令簞瓢室磊砢堆瑤瑤我拙寡所合甘為不
才樗嗟君何所聞屢枉長者車我來淮南遊

藹：子之譽驛駟走千里凡馬安能逾奈余不自量痛鞭而疾驅常憂過所往疲憊傷吾驅願君少待我且欲休吾駒跳奔舍其群子樂誰與俱俯身援其類是亦仁之徒不然但用我畏甚將逃遁何如少貸之效技供子娛我無功名願與世日益踈反慕古沮溺窮年事耕鋤皇：吾夫子憂世亦勤渠雖然竟何就孰若安以居人生各有懷未用相賢愚得樂願即止安能較錙銖又疑異所任勞逸事

亦殊作歌以訊之子意當何如

寄劉聲在海州作

別君幾何時人事浩千萬身如張射侯憂患
劇強箭崎嶇走窮縣艱苦君所見未知水菽
豐已感霜露變羈孤寄窮海親友誰弔唁析
圖補冬裘乞米煮朝飯無聊猶自惡援溺固
誰願人生不終否此語非我分英雄伏泥塗
暫晦久必現如子百不能理自合貧賤豈當
議隱顯而有不遇歎但思竄山林遠脫人世

患有田足耕耘有水足旱山蕭然便終老到
死百不問平生泥佛祖久已師壁觀况將無
生禪下視有為幻吾子出群材千牛有餘刃
行當脫塵埃鳴佩待清燕高卑各有得願勿
譏尺鷃不有行道入誰當佐堯舜時哉勿自
滯功業在力勸握手不可期此計吾行辨

寄陳九

別來常思君無異飢待哺如何偶相造握手
復告去念初別子時芳草纔及屨天時不可

留再見歲云暮出門恠子瘦告我困道路飄
飄千餘里陸走復水沂古來黃金盡壯士色
亦沮斯人獨何少乃有衣食慮才高窮不然
文字工綵繡可觀不可用章甫冠士偶子能
獨不然渾樸謝雕鏤寧為目前玩功見施設
後知心古所難形兀實難售嗟君聽者寡風
雨但孤雛又思理難常功業亦邂逅豈令匠
運斤常縮袖問乎無為扣角歌且進滿尊酌
但非遽可令有所待而偶于將伏黃土氣乃

在牛斗顧君久自安蔽抑寧復又

贈江瞻道

我行于四方其所急者友嗚呼得之難百不
一邂逅人心不可齊若十指于手隨其短與
長亦各有所取剛或硬而折柔有弱而外質
良文不揚中美外莫副寬壺泛以枵狹盡迫
而陋此猶其大槩瑣：難悉究譬如選長材
棄百不一有其間雖得之猶或煩矯揉我友
居淮濱飲德悉自幼豈期羈旅間乃獲聞馨

欬嗟君如美玉外徹中乃厚埋藏困塵埃要
以不可垢他人十不一子乃得八九餘虧能
幾何不待勉而就乃知昔求艱特以見未久
志大貧若富吾將告君理子其
聽我佈人生不終窮否泰亦有數子其保所
有雖穎囊必露古來立功名其始不無忤得
難失自寡進銳退亦遽念君歸海瀕誰與朝
夕聚我方困而學每冀朋友助一從城北歸
夢魂見已屢願因南來者時以尺書寓

呈徐仲章

朝日照高簷夜霜猶在瓦
纖纖墻邊柳春色已可把
殘年能幾何奔馳劇湏瀉
雖無功名求衰暮亦悲吒
出門問徐子兩計決取舍
為當勉自修汲汲不可暇
為當飲美酒送老在杯筭
子當指我途我即策其馬
但恐懶拙姿終非服勤者

正月望夜示童子

呼童致明燭展我窓前書
願謂爾童子此豈

不足欲得真自忘偽觀一知其餘甬觀千萬
燈豈與一燭殊爾豈不欲醉舉杯傾我壺甬
豈不欲飽構火烹我魚人生貪外物要以樂
其軀吾求曷不足安用勞馳驅

贈敦復

敦復想為詩日見無全牛天工忌其才小邑
使拘囚漫塗以塵埃訟訊群啾、尚于紛紜
中逸興時奔流不知誰使之瞥甬為南遊驛
騶解其繫鷹隼脫于鞫山川困搜羅風月遭

嘲咻舉手聊探之縱橫爛琳璆不有同行人
更歌而迭酬天應憫予勞久苦暫使休奈何
少縱之一放不可收歸來見我喜逆氣凌高
秋我竊不自量妄將覽其輒心知不可追子
幸為我留君方嚴旗幢我亦戒戈矛將圖詰
朝見百敗非予羞

讀戚公怨進卷

世方尚纖柔子獨不可揉人皆喜歎：子語
不出口巉然即之高倍子競嘲詬我嘗要之

難快使暴其有乃知謗之非更覺所得厚由
來難小知此固可大受讀書常辛勤世務飽
經構琅：滿編文一一可推究俗儒昧事實
但憂奔莫及敢憚喘而走我心
子所知獲豁無所固是以行于世往：得朝
詔人才如其面不自知好醜立之明鑑前乃
見其可否子于我無嫌告我當若口我惟于
改過竊不敢自後嗟予迫飢寒子亦仰五斗
何當兩有歸投老作鄰叟

與友人論文因以詩投之

我雖不知文嘗聞于達者文以意為車意以
文為馬理強意乃勝氣盛文如駕理維當即
止妄說即虛假氣如決江河勢盛乃傾瀉文
莫如六經此道亦不舍但于文最高窺不見
隙罅故今後世儒其能及者寡文章古亦眾
其道則一也譬如張眾樂要以歸之雅區
為對偶此格最汙下求之古無有欲學固未
暇君為時俊髦我老安苟且聊獻師所傳無

以吾言野

寄參寥

春風入楚鄉與子別經歲有客過我門携君
尺書至昔我出京師倉皇家事遂令千里
別不一執君袂又聞子亦行杖履若飄駛雖
成相思詩欲寫不可寄飄飄山水夢時與飛
錫值乃能以書來知子猶我記浮雲隨高風
聚散未可計遲君冰雪詩濯我塵埃思

送胡考甫

胡公精悍姿勇氣如秋鷹兵書百萬言揮塵
談如傾羞戴文史冠慨然喜功名願得丈二
笏為國作長城朝廷士力盛戰馬如雲騰貌
貅籠肉食武庫森神兵此豈不足用麾之若
雷霆如何彼黠虜坐敢邀金縉由來在得將
選擇當至精譬如養麒麟有御乃能行安得
偉丈夫長驅兩隅清淮南聽公語乃是衛霍
朋終軍白面兒尚欲請長纓縱橫老將手出
袖盍一呈策馬勿自滯我將觀厥成一奮庸

將驕汎灌出精英立功報天子執節擁旗旌
男兒當封侯寧為老書生

旦起

漫、東牖白開帷納晨光欠伸推夜枕叩齒
披朝裳盥盥汲石泉漱濯齒頰涼維茲孟夏
初宿雨清高堂栖鳥起且啁露鶯鳴更藏悠
悠曉花殷落、古柳蒼西舍初鳴春東隣出
求糧客馬已別櫪商車欲踰崗羲和一陽輝
群動皆擾攘有生無不求誰得偃于休人生

但如此勤苦亦可傷况我病倦翩翩信風
翔永懷中林士栖志烟霞鄉願言寄旅跡相
託以徜徉

庭草

冉冉朝雨霽欣々禽哺雛鮮々中庭草佳色
日已敷童子惡其蕃謁我盡掃除我為再三
擷愛之不能鉏人生群動中一氣本不殊奈
何欲自私害彼安其軀况我麋鹿性得此亦
可娛延蔓藩籬間常若田野居亭々濯露曉

偃々披風餘所嗜乃若此我生合樵漁

寄荅參寥五首

昔我初見子，時客京師間。名久不獲，既得
過所，知示我一卷書。大小百首詩，我嗜不可
輟。熊蹯薦朝飢，約子彭城游。念當行有期，中
間忽倉卒，決去不子辭。子後來高郵，我居淮
之湄。中間無百里，詩句屢交馳。客來得子書，
云子久南歸。投書不能讀，恨我聞之遲。使我
早知此，扁舟尚能追。遠別不執手，近居不相

携每念々恨者耿々中腸悲子行日已南我
去日已西音書不可頻何以慰我思

蘇公守吳興水山方有主子子分從之游挂錫
當可駐塵埃困孤鶴念子久失所秋風展其
翼道使萬里去青雲引高唳爽絕誰敢伍余
駒欲西秣東我江海曠平生二三子往々在
南土子才得所樂我拙日益魯拳々相思心
契濶不得語

秦子我所愛詞若秋風清蕭々吹毛髮蕭々

爽我情精工造奧妙寶鐵鏤瑤瓊我雖見之
晚披豁盡平生又聞與蘇公復與子同行更
酬而迭唱鐘磬日撞鳴東吳富山水草木餘
春榮悲余獨契濶不得陪酬賡

我生為文章與衆常不偶出其所為詩不笑
即嘲詬少年勇自辨盛氣爭可否年來知所
避不敢出諸口時時未免作色以千龔厚低
心讓兒曹默然衆人後見君不能已頗亦陳
所有君豈少取之時以佳句授幽絃喜有聽

清唱慰孤奏如何翳然去使我不得友

蕭々江湖客踈瘦若秋竹苦心為詩草日夜
撓心腹清絃無浮教促柱有哀曲湔々幽岩
泉一々清可掬人生于文章初苦力不足及
其成欲售又困瞽者日子從吳興公乃獨獲
所欲得意有知賞幽懷免窮獨嗟予失所投
痛學自藏覆子當慰我窮時寄書數幅

夏日雜感四首

我前十日至柳葉不蔽日我後十日來芳條

如紺室枝間有好鳥鳴和若琴瑟渠々哺其
雛啄我園中實梢々荀成竹濯々草過尺心
驚歲已半念此日月疾朝來數葉墮盛夏有
萎色悲哉一陰生長養從此極

士而懷其居孔子亦云非賢臣事晉侯夜載
使逃齊醜毒比晏安君子不可怡樂小必害
大安近遠之迷野芻養騏驥當念和鑿馳一
飽願即止幾何非犬雞高賢意有在汲々不
敢遲安能守槽櫪長伴兒曹嬉

群動入夜息我歸亦安眠脫我身上衣援枕
體晏然朝日常營；有生不可閻義和哉其
光幸此須臾間人生一世中大小無百年胡
為不自暇長抱勤苦歎才者勇設施誕者夸
死權彼有驅其心欲休諒無緣我本與世疎
少慵老成頑何為不引去坎珂行所艱

娟、簷前月雖缺自媚好團、理絲虫養身
恃其巧無能老蝙蝠乘夜出堂奧那能捕飛
蚊未解聒耳鬧悲歌草間蚓辛苦自鳴噪南

生可以默何所欲而踈鳴蛙訴其渴謂若天
可禱瘖蟬死不鳴豈以訴無效悠々群動情
誰得辨醜好我歌豈徒然亦用自警告

和周楚望

宿雨生曉潤繁雲滋暑陰我居廢不葺常苦
積雨侵果墜獸風惡草沉知潦深拳々抱幽
歎耿々嬰煩襟吾子久不來幽居誰見臨飄
然得秀句生我江湖心一官亦漫爾勤苦安
能任何當舍之去拂我塵埃琴飢寒仰五斗

求尺而忘尋悲我復契瀾誰復知吾音

秋日晨興寄楚望

夜雨霽清曉浮雲散涼川幽人理青髮汲彼
石井泉焚香展素帙持珠諷妙言晨暉淡悠
揚秋霞麕紺天萎花開露餘孤葉零風前感
此芳節晚長嘯心悠然傾觴散滯念殮菊留
華年牢落歲暮心非君誰與宣

感秋呈宏父兼呈周楚望三首

西風吹我舟繫纜岼邊柳蕭蕭落船葉日夕

煩我帚心驚芳歲晚日月去如走搔我髮邊
髮少壯寧復久平生拙謀身辛苦為五斗苟
逃飢寒憂不敢擇所受心因摧折低面若塵
埃垢蹶々警前勇俛々蹈新功名委之命
寧足計薄厚獨携古人書千古相獻侑我烹
亦有魚我酌亦有酒非求與俗違聊以安吾
守
西風中夜來飛雨隨以至攬衣不能眠起坐
為涕泗炎蒸雖云酷香草猶可佩清商來無

情凋我蘭與蕙，
草虫悲裊，
露蟬嘒高。
梁燕如客，
鍛翮鷹方，
鷲乾坤本無心，
萬物隨一氣，
如何于其間，
感愴坐自累，
置之勿復道，
得酒但知醉，
陶然杯杓間，
蕭洒無餘事。

浮雲無停陰，
急雨來清秋，
颯々水上風，
吹我千里舟，
二年客淮楚，
乞米充飢喉，
空堂堆詩書，
冷落妻子羞，
搯舟將何之，
漫浪為西遊，
豈不猷奔走，
貧賤無良謀，
人生天地間，
如萍水中浮，
安得必所往，
南北但隨流，
達者知其然。

委已任去留止若寄渚雁行如浮海桴萬物
本無事百年漫多憂冥懷付造物俯仰余何
求

和登城依子由韻

步登高城望望、殊未已惟時歲將窮冬孟
月魄死紛吾方有懷一坐為三起悲歌擊枯
枿散與淚俱至人生隨大鈞命不貸君子付
之無如何外垢資內洗前知賤終吉外頗與
愚似開門張瓊瑤誰者目不寄支離冒多福

嬋娟畏獨美舉頭蒼天高歎此青雲士酌公
芳尊酒願公百憂止履善神所勞委置目前
事

西華道中

我行陳許郊千里平若掌居民雜荆榛耕少
地多曠野兔乍跳奔驚鳶或高颺喬林多疾
風寒澗有餘漲棘籬蔽茅屋雞犬入村巷主
人掃土塌秣馬具朝餉童兒汲土井敗飯堆
瓦盞勿悲為生陋自足無他望嗟余走薄宦

奔走年將壯長抱羈旅愁何時稅歸鞅

泊南京登岼有作呈子由子敏

逸民

客行歲云暮孤舟衝北風出門何蕭條驚沙
吹走蓬北涉淮河水南望宋王臺落葉舞我
前鳴鳥一何哀重城何譴々車馬溢四郭朱
門列大第高甍鹿飛閣湯々長河水赴海無
還期蒼々栢與松崗原常不移覽物若有歎
誰者知我心吟新詩章手撫白玉琴鳴琴

感我情一奏涕淚零子期久已死何人為我
聽推琴置之去酌我黃金罍幽憂捐華姿流
景良顏易

宿合溜驛

空庭野雀噪客至休我駒盡日衝塵沙解裘
振裳裾熒々青燈光夜永寒堂虛破窻見星
斗明月照廣除篝火旋烹煎妻兒具盤盂強
飯一為飽困眠體微舒嗟我山野姿懶拙與
世踈如何強所難安躡仕進途已習未易舍

欵行倦馳驅悲哉不早計既晚空嗟吁

至日離許州

先王重至日靜息資微陽閉闔絕商旅后為
不省方我獨何為者古寺巖晨裝酌酒飲僮
僕披裘冒朝霜春彼道路人熙然樂而康尊
酒迭為壽華衣冒鮮粧懷居固非士遠客亦
可傷悠哉任行止且復傾吾觴

張右史文集卷第十四

開化圖書館

Kaichua library

開化圖書館

Kaichua library


夏

開化圖書館

Kaichua library

開化圖書館

Kaichua library



張右史文集

開化圖書館
Kankwa library

三

開化圖書

Kaishua library



Inches 1 2 3 4 5 6 7

Centimetres 1 2 3 4 5 6 7 8 9 10 11 12 13 14 15 16 17

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color